

**LA SCIGNA**

**ALIASSE**

RIMME D' AUTURE GUAPPE.

gr. 6



*Giugno 1806 1918.*  
*Al signor e signorino*  
*amico Salvatore di Vincenzo*

**LA SCIGNA**

**ALIASSE**

**RIMME D' AUTURE GUAPPE**

**VOTATE A LLENGUA, NOSTA**

**DA NO BARONE DE NOMME E DE FATTO.**

*don  
e  
vicino  
di*

*questo viene  
che con  
no bauz  
vicino di  
di forte*

*Leza*

*Leza*

**N A P O L E**

**DA LI TRUOCCHIE DE LA SOZIETA' FELEMATECA.**

**1854.**



*Accossì nuie facimmo la scigna all' addotte,  
e mettimmo ncampo ss' auta modà.*

*La Nferta pe lo Capodanno.*

## L' ALITU

DI MELI

Profumeddu gratu , e finu.

**D**a ddò viene , o sciauro bello ,  
Co ss'addore accossì fino ?  
Vuoie ngaggià no carreniello ,  
Ca mo proprio l'annevino ?

Quacche cchiochiaro derria  
Ca tu tiene tant'addore ,  
Pecchè biene da Foria ,  
Da le stufe de Tenore. (1)

Pararria ca de li sciure  
Sie lo primmo ntra li figlie ;  
Ma non hanno chiss'addure  
Giesommine , rose , e ggiglie.

---

(1) Direttore del R. Orto Botanico di Napoli.

Derria n' autro : ventariello  
Che ntra l'Arabe è ppàssato,  
Chisso sciauro accossì bello  
Nfin'a Nnapole ha portato :

Ponn'avè vuosche Sabbeie  
Sti profumme? N' è lo vero ;  
Nce starriano chille Ddcie  
Che forgiaie vavone Ommero.

Tu a sse cchiacchiere, a sse baie  
Rirc, o sciauro, e niente dice?  
Ma messere a mme non faie;  
Tu sì sciato, è ssì de Nice.

L'INGENUITA'

DI BERTOLA.

Ve' che freme su per l'onda.

Che burrasca da Sorriento  
Sta assommano, arrassosia !  
Che farrà la rezza mia ,  
E lo vuzzo che farrà?

Disse Iacovo assettato  
A no scuoglio co Rosella ;  
E respose nziria ehella :  
Staie co mmico , e pienze llà ?

Isso allora : nè a lo vuzzo ,  
Nè a la rezza penzarria ,  
Si facisse , gioia mia ,  
Sempe vruoecole co mme :

Ma na nenna comin' a l'onna  
Muta faccia , è mala pezza :  
Restarraggio senza rezza ,  
Senza vuzzo , e senza te.

LA VENDETTA

DELLO STESSO.

Su questi allori un giorno.

» Co sta sferra ntaccanno ssi chiuppe ,  
Io lo nomme de Rita nce scrisse ,  
E ccà nfiaccia a ssi<sup>l'</sup>chiuppe mo stisse  
Voglio Zita p' arraggia signà.

» Si la sciorte farrà ntra sti vuosche  
Chella vota-bannera arrevare ,  
Vedarrà che le mmosche passare  
Pe lo naso Matteo non se fa. »

Ditto chesto l'affritto pastore ,  
Comm' a lupo-menaro alluccanno  
A no chiuppo s'accosta, e ntaccanno  
Co la sferra , accommenza a scorzà.

Comm' avesse no terno venciuto ,  
Fatto zzo s'abbiaie contentone :  
Ma llà ncagno de Zita ( ciuccione ! )  
Avea Rita tornat' a ssignà.



IL CONSIGLIO

DI ZEZZA.

Io non t'inganno : ah senti.

Sient'a mme, Rosella mia ;  
Leva lè sta fantasia  
De volerte nguadiare  
Lo Si Titta, che me pare  
'Na cocozza nsemmentuta,  
Ch'a li puorce se po ddà.

Me decea lo cantastoria  
Don Taddeo, bona mammoria,  
Ca lo grieco Anacrionte  
Che le rrappe aveva nfronte,  
E la capo ianca ianca,  
Volea pur' ammoreggià :

E ffàceva a la fegliola  
Ch'isso ammava chesta scola ;  
» Si ntrezzanno rammagliette ,  
» Ntra le rrose , tu nce miette  
» Giesommine , di neoseienza ,  
» Dì che spanfio sanno dà?

Chisse vierze a llengua nosta  
Li votaic co bona gnosta  
No famuso alletterato  
Don Beeienzo nnommenato ,  
De casata o Zita , o Rita  
Non me pozzo allecordà.

Ma co chisso paragone  
Chillo gricco vecchiacone  
Volea fà lo fatto suio ;  
E tu penza a ffà lo tuio.  
Tu sì Rosa ? e ceo sta rosa  
No rosiello aie d'accocchià.

LA VILLA

DI CATULLO.

Furi, villula nostra non  
ad Austri.

L'uorto magnifeco, o masto Rocco,  
Che da moglierema app' io pe dote,  
Nè cchiù a la bboria, nè a lo scerocco,  
Nè cchiù a li grannole soggetto sta:

Ma pe no debbeto (oh me caruso!)  
Scritto è a l' Afficio de le Ppoteche,  
Ch' è biento, erideme, cchiù ntossecuso,  
E cchiù terribbele de chille llà.

EPIGRAMMA

DELLO STESSO.

Si memini fuerant tibi quatuor ,  
Ælia , dentes.

Ciommetè, pe quanto pare ,  
Tu tenive quatto diente,  
Che sfaccute , mazzecare  
Non potevano pe niente.

Co na tossa tu sputaste  
Cco ssalute doie de st' ossa ,  
E doie aute ne spurgaste  
Doppo po co n' altra tossa.

Mo secura puoie tossare  
Notte e ggghiuorno a bbuon necchiù :  
Potraie pereta cacciare ,  
Ma li diente addò so cchiù ?

EPIGRAMMA

DI GENOINO.

Un corno aveva fra' piedi.

Ntuono ntoppaie no juorno  
Pe bbia nfaccia a no cuorno.  
Le disse no saputo :  
No cuorno t'è caduto ,  
Ne te n' adduone , nè ?

Lo fronte tastianno ,  
Li mieie pe mmo nce stanno ,  
Respose allora Ntuono :  
Monzù, vide tu buono ,  
Fosse caduto a tte ?

EPIGRAMMA

DELL' AMALTEO.

Lumine Acon dextro , capta est  
Leonilla sinistro.

Vi che guaio ! La fenesta deritta  
Tene schitto la bella Contessa ;  
E lo figlio bellissemmo Titta  
Co la manca pò sulo siniccià.

Si lo figlio dà l' uocchio a la gnora ,  
Sarrà chella na Vennera nterra :  
E ccecato isso ntutto po allora ,  
N' aut' Ammore a lo munno sarrà.

LE DÉPIT.

Lisette est incostante.

» Cecca bella , lo retratto  
De l' ammore , e de la fede ,  
Cecca bella ( non se crede )  
O che perro che m' ha fatto !

N' altra nc' era tiemp' arreto  
Cchiù fedele' de sta mia ;  
Ma la lava de Foria  
La portaie a lo Sebeto.

Me iurava resoluta  
Fa co mme lo *bis*, e *bolo* ;  
E a li Quatto de lo Muolo  
Sta promessa ha mantenuta.

Carta ianca a ffà l' ammore  
Eva io ( vi che cetrulo ? )  
Ma voglio essere mo sulo  
Ntapechero , e colfiatore »

Accossì decea no cuoco

Ntra l'arraggia, e lo despietto;

Ma de Meneca n'occhietto

Acqua fuie ncopp' a lo ffuoco.

A bedè chella guagliona,

Ch'addavero eva no sole,

Votaie fuoglio a le pparole,

E decette sa canzona:

Semp' appriesso a ssa bellezza

Voglio i, porzì mpresone,

Comme cane a lo patrone,

Comme ciuccio a la capezza.



LA VOLUBILITA'

DI GIGLI.

Fortuna, io dissi, e' mano, e volo arresto.

Io deciette a la Fortura :  
Figlia mia, che pressa tiene !  
Curre, tuorne, vaie, e biene,  
E la capo faie votà.

Chi felusse aveva aiere,  
Oie redutto è a li calure :  
Oie chi sta ntra mill' annure,  
Craie li puoree guardarrà.

Me respose : tata mio,  
È lo bene poco o niente,  
Tutte songo concorrente,  
Tutte stanno a me zucà.

Dimme tu comm'aggio a ffare,  
Trova tu remmedio a cehesto.  
L'uno spoglio, l'auto vesto,  
E accossì pozz'arrevà.

Ntiso chesso, cuoto cuoto  
Votaie vico, e me ne iette;  
Ed a Carmena voliette  
Nnissoffatto addimmannà:

Si Fortura ha le raggiune  
Pe cagnà la razia soia,  
Tu pecchè, provita toia,  
Vuoie la scigna a cchella fà?

Quanta mise tene l'anno....  
Mise? nò?.... quanta iornate,  
Tante cagne nnammorate:  
Ed è bita da menà?

Responnette: sì no ciuccio:  
Ste bellizze meie so rrare,  
E l'accunte so a mmigliare;  
Comme l'aggio a ccontentà?

Dico a' cchisto na parola,  
Na resella faccio a cchillo,  
Ave chiſto no squasillo,  
No sospire chillo llà.

EPIGRAMMA SPAGNUOLO

No se , para que nascì.

Addò maie se dà na şciorte  
Cchiù cornuta de la mia?  
Io la morte  
Mo vorria,  
E la morte non bo a mme.

CANZONE CINESE

LO SPATRIATO.

Sci nan sci pei sciaò iuin tien.

A scerocco , a llevante , a pponente ,  
Ed a boria Mimì tene mente ;  
E ogne nuvola ncielo ch'assomma  
L'allegorda po Massa de Somma ,  
Lo paiese addò isso nascette ;  
Ed a ffà no lamiento se mette.

Vo sto verme da capo levarse ,  
Legge , sona , va nchiazza a spassarse :  
Ma ped isso so vane confuorte ,  
Songo ncienze che danno a li muorte.  
La speranza de priesto tornare ,  
De mbriaco no suonno le pare.

È lo munno fontana ncantata ,  
Ncopp'a nuovo modiello formata ;  
Quanno t'ha da iettà le docizze ,  
Te le ghietta ogne tanto , ed a sghizze ;  
Quanno t'ha li trommiente a mmenare ,  
Te le mmena pe sempe , e a sciummare.

CANZONE ARABA

Vanafsika far biha'in sibta zajma' n.

Comm'io fosse presidente  
De l'Appiello, o Primma Stanza,  
Pe no sfizio, no pe niente,  
Cchiù conziglie voglio dà.  
Si a no luoco vuie vedite  
Ca sicure no nce state,  
Mpapocchià non ve facite,  
Ma penzate d'allippà.  
Li paise cco paise  
A ccagnà non fa dolore;  
Ma si site accise, o mpise,  
Addò iate a ve cagnà?  
Refrettite ntra l'affare,  
» Chi vo, va, chi non vo, manna: »  
Pe poterele ngarrare  
Non l'avite ad affedà.  
Pecchè luce lo chiommera  
A lo rre de l'anemale?  
Pecchè va matina e sserra  
Isso stisso a ccaccià.

IL MILITARE ARABO.

Ala' ajjohadà-lleall iamijja'-sc'hado-  
'lvaghâ'.

Tu puoie di, sargente mio,  
Si feteva sto mostaccio,  
Si valea sto cortellaccio  
Li nemmice p' adaccià.

Ma tornato a lo paiese  
Ntra li figlie, e la mogliera,  
Cchiù non boglio sta primmera  
D'ess' acciso terzià.

È lo verq (ed io lo ssaccio,  
Lo ssaie tu, lo ssape agnuno)  
Ca la morte ad uno ad uno  
Nce fa fà lo carambò:

Non perzò trovanono ad essa  
Aggio a gghi, me guarda l'arma:  
Sarria ciuccio co la sarma;  
Ed io ciuccio non nce so.

LA LIRA

ODE PORTOGHESE

DI D. CLAUDIO MANUELE DE COSTA

Amei-te, eu o confesso.

Chi de te, chitarra mia,  
Chi se vole maie scordà?  
Tu me faie co ss'armonia  
Ogne canchero passà.

Si me vene quacch' affritto  
Penzeruccio a cearfettà,  
Me t'abbraccio, e fitto fitto  
Accommenzo a scampanà.

Quante vote lo deiavolo  
Vene nsuonno a mmé scetà,  
Tu sonanno, faie Fra Pavolo  
Doce doce a mme tornà.

Io de te cchiù caro ammico  
Addò maie potria trovà?  
Si li guaie cantanno dico,  
Tu faie l'ecco a ppecceià:

Si po canto che Rosella  
Vo co mmico ammoreggià,  
Tu te vuote a tarantella  
Da fà ll'asene abballà.

Non te puozze, gioia mia,  
Maie tarlare, e mmaie scordà;  
E ppozzammo nnarmonia  
N'auto siecolo passà!



LA BELLA INDIFFERENTE.

STROFE TURCHE.

Caremfilsen cararem yok.

Signorsì , tu staie , Menella ,  
Fresca cchiù de tulipano ;  
Signorsì , tu sì cchiù bella  
De na rosa a lo schioppà.

Ma non core tie ne impietto  
Ch'è na vera sorbettella,  
Nè lo sole ncalandrella  
Vastarria pe la squaglià.

Io na vita desperata  
Da quatt'anne sto menanno ,  
E non passa na iornata.  
Che non spanteco pe tte.

Te ne fusse a lo mmacaro ,  
Mo nce vo , schitt' addonata !  
Nenna mia , tu sì cecata ,  
O sì stupeta pe mme ?

LA STATE

DELL' INGLESE TOMPSON

From brightening fields of ether fari  
disclos' d.

Comm' a llupo zitto zitto  
Co la coda ntra le ccosce,  
Che n' ainiello, o no crapitto  
Va cercanno d' acchiappà,

Ccosì trase mo la state  
Co no passo de formica;  
E le nnuvole ha ccacciate,  
E la terra fa seccà.

So fallute li torriente,  
È na tavola lo mare.  
Lo cchiù caudo ntra li viente  
Sta da l' Afreca a scioscià.

Primmavera correvata

Ch'ave ogn'anno lo straregno ,

A la sora cchiù nfocata

La consegna sta pe ddà :

E lle dice : tè lo mare ,

Tè lo cielo , e tè la terra ;

Penza tu de le trattare

Co dochezza , e ccaretà.

LA BELLEZZA FUGACE.

DI LEMENE.

Di sè stessa invaghita, e del suo bello.

De le bellizze soie

Nnammorata la rosa, se mmerava

Dint'a no sciummetiello :

Quanno no ventariello

D'ogne addorosa foglia

La bella rosa spoglia. Allora l'onna

Pe staffetta correnno,

Se le pporta fuienno: e nnissoffatto

Accossì le bellizze co doie botte

Se ne vanno a mmalora; e bona notte.

Femmene belle, quante cchiù ne site,

Sso latino ntennite, o no ntennite?

GLI OCCHI

ODE ORIENTALE

. Modificata dal Traduttore.

Ll' uocchie de Meneca de luce abbampano,  
E le tre Razie pe ppazzeià,  
Le bene ntrezzano nfra loro, e stampano.  
Lo sole nvergene vedite oca.

Ma la modestia nnante no velo  
Schiattuso e duppio scennerce fa,  
Che pare nuvola ch' assomma ncielo,  
E ffa d' Apollene li raie scurà.

Pe darne sfizio vorria l' Ammore  
Chillo terribbele velo arrassà;  
Ma fitto nguardia nc' è lo Regore,  
Che de ste lacreme non ha piatà.

Io nnustriannome, ntra le ppertose  
Di chillo diaschece de velo sto,  
Pe ppotè pascerme de l'ammorose  
Sciamme, ma sazio non resto po.

O nummo Zeffero, si amaste maie,  
Potrisse fareme ssa caretà:  
Votta a ddeciavolo, te guarda craie,  
Lo velo, e nn'attemo fallo straccià.

Anze, qua stupeto, derria mo io,  
Si vuoie spicciarete no poco cchiù,  
Pigliate a ccanchero sto sciato mio,  
E ppuoie servirtene comme vuoie tu.

[ ODE DI ANACREONTE

Ἡ γῆ μέλαινα πίπει.

Lo terreno sta zucanno  
Da lo cielo li vapure ;  
E lo stisso tutte fanno  
Da la terra e cchiente , e sciure ;  
E lo mare , e li torriente  
Sempe sorchiano li viente.

È lo sole ? e dinto mare  
Fà na veppeta se vole ;  
È la luna ? e bo terare  
Tutto l'ummeto a lo sole ,  
Quanno pare a mmalappena ,  
Quann'è mmeza , e quann'è cchiena.

Io , schitt'io aggio arrobbato  
La cammisa de lo mpiso ,  
E mbriaco so cchiammato  
( Co sse rrecchie l'aggio ntiso )  
Pecchè sempe ngioia , e nfesta  
Sorchio zuco de l'agresta.

VERSI DI EUBULO

Ω Ζέυ πολυπμητ' 'εγώ ποτε χαχᾶς.

Siente Giove : s'io ntimo la guèrra  
A le ffemmene , famme schiattà :  
E sse pò de sta razza ccà nterra  
N' auta razza cchiù mmeglio trovà ?

Si Medea fuie na streca brecona ,  
E ffacea li capille arriccià ;  
Tu non t'aie a Ppenelopa bona  
E ccappiello , e pperucca levà ?

Derrà Tizio ca fuie Critannesta  
Vera mpesa da farse scannà ;  
Ed io dico de botta ch' Arcesta  
Mmereteva de farse nnorà.

Derrà Caio ca perfeda e smocca  
Fedra fuie , comm' agnuno lo ssà ;  
P'appilare a sso bbestia la vocca ,  
N' altra bona mo trovo..... e addò sta ?



Giro, e boto, e ntra tutto lo munno  
So scompute le bone; e a ssignà  
Chelle triste che so no zeffunno  
No nc'è carla che pozz'avastà.

LA LECENZIA.

Metastasio doppo fatta  
Na commeddia , nce ficcava  
Na lecenzia , e llà mmenava  
Bello ncienzo nquantetà.

Io che fatt'aggio la scigna  
All' auture cchiù stimate ,  
Mo che scompo , a cchiss' Abbate  
O cche scigna voglio fà !

Belle ddamme , ntra sti vierze  
No, de vuie no nc'è nesciuna :  
Schitt' a cchelle de la luna  
Aggio ntiso de parlà.

Don Llicarde riverite ,  
Si ccà site coffeiate ,  
Pe piatà , non v'arraggiate ,  
Secotate a peppeià.

Non lassate, o ggent' addotte,  
Le ppoesie de lo Treciento,  
Chelle so lo ver' agniento  
Pe le gguallare sanà.

E buie, miedece, ppagliette,  
Che spogliate li criente,  
Ch' accedite li nnoziante,  
Non perдите tiempo ccà.

Me derrite: chisso libbro  
De sta Scigna Baronale  
Pe cchi è buono; pe cchi vale?  
Pe cchi serve non se sa.

Vuie sbagliate: serve a ttutte;  
Meglio carta pe l' affizio  
D' annettarve lo servizio  
Addò maie se pò trovà?

SCOMPETURA.

*Salute, e bbene.*

REGISTRATO

10999









*L. 1786*  
**NAPOLE 1834.**  
*1786*